

明代傳記叢刊・綜錄類②⑥
周駿富輯

國朝獻徵錄
(二)

(明)焦竑編

明文書局印行

修國朝獻徵錄卷之二十一

翰林院

修撰

韓官

韓克志

王元采

王艮

徐旭

王褒

張嗣祖

謝璉

馬鐸

李騏

董璚

張洪

劉矩

施璚

獻徵錄 卷之二十一 目錄

羅倫

錢福

陳瀾

康海

楊慎

舒芬

蕭與成

林大欽

王庭饌

編修

高啓

張唯

張九韶

程濟

楊珙

周興

戚淵

宋應奎

李仁儀

華樹

王思

王相

駱文盛

羅程

楊實卿

王立道

公家臣

卷之二十一 目錄

焦太史編輯國朝獻徵錄卷之二十一

翰林院二

翰林院修撰蔣公宮傳

蔣宮字伯謙黃州人三歲喪母哀毀如成人五歲誦孝經論語左氏春秋十歲善屬文表章庸孟之書居喪勺水不入口既葬踰制從學陳子山子山方銳意釋經而宮乃列諸家傳疏得失以進子山異之授以詩書春秋及諸文章大家宮輒悟其旨子山謂人曰明敏若宮雖汝南應世叔不足多也自是博極羣書於制度沿革陰陽曆數之義無所不通元至正初獻徵錄

卷之二十一

登第未幾丁祖艱負祖母避地浙東以薦授行樞密院管勾服闋授崇明州判官攝州事有聲丙午皇朝刻平封畛宮乞歸田不許會部使薦官才可備史館授翰林修撰洪武紀元擢開封府蘭陽縣縣丞當南北要衝兵燹之餘寇賊充斥居民存者十二三官廣為召募一年復業五千戶餘弭苗悍患掩繁興商賈販理寬滯安反側開學校崇德義邑人大和拜滿朝京以疾卒

翰林院修撰韓公克忠傳

于慎行

韓克忠字守信武城人登洪武丁丑進士第一授翰林院修撰太祖愛其學行淳實僅三月命在國子監司業自祭酒宋訥後學政多隳忠與祭酒張顯宗創制立法興廢補壞編立監規參酌時宜永為遵守學政自此振舉革除二年陞河南僉事未幾卒官初忠之會試也不與中式之列考官劉三吾白信稻所取者宋琮等五十二人江北無與者及殿試賜閩人陳郊為第一被黜落者咸以為言太祖怒命講讀官張信戴斡等十一人再閱下第卷中擇文里

獻徵錄

卷之二十一

優長者復其科第或傳言三吾復囑信等以卷之陋者進呈太祖益怒謂其胡藍餘黨詔謫三吾戍邊餘皆凌遲於市於是復閱取六十一人皆北人也六月朔殿試再賜策問以忠為第一今祀學宮

靜學王公元采傳

黃 籍

先生姓王氏諱元采字叔英號靜學黃巖人也少孤因母嫁陳氏故或稱陳元采寔王氏也居亭嶺今屬太平縣洪武中爲僊居教諭陞漢陽知縣革除初以薦爲翰林修撰與正學方公先後被召或曰正學薦之也嘗上資治八策曰務學問曰謹好惡曰辨邪正曰納諫諍曰審才否曰慎刑賞曰明利害曰定法制皆當時急務又曰太祖皇帝除奸剔穢抑鋤強梗若醫之去疾農之去草然急於去疾或傷其體膚嚴於去草或損於禾稼體膚疾去宜熨其血氣禾稼草於去宜培其根苗又論行限田法如此者數千百言初在漢陽時聞正學先生被召詒書曰子房於高帝密可行而言故高帝用之一時受其利雖親如樊呂信如陵勃任如蕭何不得間焉此子房能用其才也賈生於文帝不察而易言且言之太過故絳灌之屬得以短之此賈生不能用其才也皆規風正學甚至識者以先生所見大踰於人矣比入朝與正學相期身致三代之治未幾太宗皇帝入繼大統先生與正學皆死之時先生方募兵廣德將進適尚書齊泰來奔知事不可爲遂止退館于祠山道士以死自誓比

獻徵錄

卷之二十一

三

漫山稿

獻徵錄

卷之二十一

四

漫山稿

死作絕命辭有曰嘗聞夷與齊餓死首陽巔周粟生不佳所見良獨偏又書案曰生既久矣愧無補於當時死亦徒然庶無慚於後世以辭裹金置道士所治棺中夜起沐浴冠帶經于庭之栢月明犬吠隸人啓戶視之先生死矣道士遂以其棺斂之爲葬于橫山楊文貞公士奇過廣德題其墓曰嗚呼修撰王公之墓道士姓盛名希年亦黃巖人義士也隸人上其狀與方先生死先後間耳邏捕其家妻金氏死于獄二女死于井殉先生云余聞諸父老云楊文貞公布未時主塾漢陽村落中先生行部過之聞讀書聲曰兵革之後久不聞此矣異之入視焉文貞避去見案上詩文一編文貞作也爲題曰公輔器也何避爲邀致薦之嘗讀文貞他文有曰予素與先生相知審理之除實其所薦又文貞與人手簡曰昨得王方字讀之說理甚精且有法度愈讀益有味羈旅中何幸遇也王尹者先生也又東里小傳曰文貞少遊湖湘漢陽府學聘爲訓導不就則父老所傳及文與簡所云蓋漢陽時事府學之聘亦先生薦之耳至入朝又薦之又聞云鄉人張璣者嘗遊先生之門正統間歲貢入太學文貞詢其後鄉吏以璣見公待之甚厚

後爲定涿二州同知初先生有幼子名某諱成大同因瓊語知之文貞以百金與鄉人孟範訪得之又以金若干遺揚州教諭某人使教誨之久而學不成返諸文貞又益金若干再使教之卒無成文貞曰奈何抱之痛哭乃復與金若干遣之遂不知所終孟範後爲治中云亦云文貞薦之嗚呼先生不負國文貞亦不負先生矣弟元黜變姓名匿于京城商旅中舍鄉有金寬者識之告太宗捕而斬之刳其屍今其後亦不聞有顯者先生所著有靜學集傳于世其文章有原本知時建勢用世傳也

論曰先生與正學先生生當興運懷經綸之志然卒皆不免厥志殉義以死悲夫嘗聞太孫聰明好古篤信儒術志欲以周官致治竟失天下遁死果天命然乎抑人事也余於是益感君臣相遇之難又信祖法之未可以輕議也讀先生貽正學書爲之至復流涕者久之嗚呼誠慮遠哉

翰林院修撰王公叔英傳

鄭曉

王公叔英字元采黃巖人初從外姓陳篤志力學洪武中與楊大中葉見大方孝孺林右並徵至京附還鄉二十年薦起家仙居訓導三十年改淮安府學陞

漢陽知縣建文元年建文嘗欲復井田公貽書力阻其畧曰天下之事固宜行於古而亦可行於今者亦有行於古而難行於今者及時周冕之類此行於古而亦可於今者也井田封建之類可行於古而難行於今者也可行者行之則人之從之也易難行者而行之則人之從之也難從之易則民樂其利從之難則民受其患此君子之用世貴得時指之宜也召爲翰林修撰上資治八策靖難兵至淮上游兵逼江而建文君遣使四出募兵公奉詔行至廣德聞建文君遜位慟哭會齊太奔公曰太貳心矣急擒太至

獻徵錄

卷之二十一

木

受山

密問之故乃相抱慟哭與太且圖後舉已而知事不可爲沐浴衣冠書絕命詞藏襟間自經於玄妙觀銀杏樹下文皇登極治奸黨妻金安人繫獄死二女赴井死公將死移書祠山道士盛希年葬我祠山麓希年天台人收葬公墓在洲城西五里許正統中楊士奇題其墓曰嗚呼翰林修撰王元采之墓士奇本公薦起也成化中州守莆田周瑛封植表識其墓嘉靖中編修安福鄒守益謫州判官立祠祀之太平知縣曾才漢又建忠節祠祀公妻及二女有貞烈祠在黃淡巖上公著有靜學集

王良

王良字欽止江西吉水人建文初元發解明年對大廷狀元及第以貌不及胡廣推廣第一良亞之用洪武乙丑事例良與第三人李貫並授翰林修撰良自聞北師起常憂懣不食日就羸癯北師薄都城羣臣多往迎附良獨闔門痛哭與妻子訣曰食人之祿者死人之事吾不復生矣安能顧若等遂自鴆死良子修後亦首鄉薦云

翰林院修撰王公良墓志銘

解縉

嗚呼功業既成而人推服之恩惠及人而人懷思之獻徵錄
天下皆是也無功業而人推服無恩惠而人懷思古今天下之人甚少也若漢之賈誼唐之劉蕡其功業何所成恩惠何所及其文章亦甚少也然使人思而嘆息之至今而推服之無異醉豈非世之人惜俊材之夙成悲壯志之蚤謝歟抑憫其不遇於時而以窮死歟誠有足以感動人心而非淺志者之所能度歟醴泉之浸不必為江河芝草之榮不必為松柏而人信其為祥若人者不必有功業恩惠而人信之以其誠有感動人者而功若惠特其餘事也子友翰林修撰王君欽止諱良歿之日識者皆歎息推服而懷思

之而悲哀之其朋友之失聲將推劉黃賈誼而與之同無異醉其行乎於人者久矣君少失父知讀書為文其祖與耕先生治尚書學聞天下著經書管見藏子家能發前儒所未發君世其業為學愈勵而家事未嘗廢雖苦攻苦皆親之其母以君篤於孝君被病則告母曰我病且死幸有第三人我無足哀天壽命也其母以為達於理言不及其妻子妻子不謂君忍父歿時弟皆幼今皆成立皆以為君篤於慈其族人親戚無間言皆以君為難其在府學課試輒魁合府縣不以為忌試江西鄉薦第一人 上親選宸翰魁名天下賜進士及第授翰林院修撰未幾設文史館待之陞秩一等分類秘閣書目預修 高廟實錄總集類要祁樂盛暑終日不怠與胡廣等奏修時政記如故事參酌攸當屢上書言當時切務 上皆欣然納之飭身正色不可狎玩聽其言侃侃如也然未嘗妄言其所不可決不能詭隨自奉甚約朋急如將不及與人交久而益敬此其行乎於人也類如此獨其於死生之際從容安泰無毫髮可憐之色預與母訣敏手待終子往視之一醉不亂足以信其平生所抱非淺智之所能度也不知賈誼劉黃之死能如此否

君文章雄偉光耀常曰悖於理而工於辭者非不知
理悖也欲希世而盜名也吾竊恥之詩喜古一以理
爲主警策淵永字畫精微皆稱其爲人其稿若干卷
藏于家

修撰徐公旭傳

梁潛

公諱旭字孟昭姓徐氏饒之樂平人其先南昌人也
居樂平者十七世世以儒爲業公幼穎悟稍長從其
鄉先生蔡仲淵授春秋爲文辭已超詣振出見者皆
奇之年二十一登洪武乙丑科進士第行湖江道監
察御史入爲禮科給事中日記事侍上左右上
方屬意天下進士每朝羣臣退獨進士留被顧問
上未退不得退也一日上呼公至前將有所任使
而公奏對弗克稱旨上以其迂也命分教于涿州
之房山復諭教鳳陽皆以憂去服闋擢安王府紀
獻教錄
善用薦者陞爲知州入史館上書論天下事多不能
合公益落落自殊無所顧情遂自史館出爲考功員
外郎及今上卽位遷郎中預修高皇帝實錄明
年拜朝列大夫國子祭酒又明年罷爲翰林修撰以
卒公在 高帝時素以篤學見稱數言事切中當時
高帝嘉納之然欲老其才故抑之久而未有以用之
也及在考功拒請托抑僥倖是是非非毫髮無所遁
其情而尤以謂天下之治與教在守令與教官守令
教官弗稱其任者尤精覈之無少貸衆望風謫騰公
持之益堅及在大學亦如在考功時然公純謹君子

也雖盛威嚴而中情簡直好惡出乎至誠至于卓卓
自守激之而不動判之而不撓人未有過之者也居
大學僅一年諸生凜凜僅自修飾而其僚屬之不便
者已譁然議之矣憚之者方側目于下忌之者又背
沮之于其私至相與揶揄其所爲公以此竟罷改雲
南參議君子莫不惜之及陛見上察其無他特命
除翰林修撰俾預修永樂大典爲副總裁方向用之
而公卒矣時年五十二上聞之悼惜勅賜棺以斂
遣禮部主事端禮諭祭焉公蓋終身坦夷不事表襮
而其族惡剛勁人有所不堪者世以此高之而亦以
爲微錄
卷之十一
此齟齬于世者衆也其爲學明于義利之辨爲文約
而明喜薦士所薦最多且賢屢考試科舉其得士最
盛而尤孝于其親自鳳陽考試河南時入朝告歸
省其母母疾方亟公間倍道疾趨至家母疾忽爲之
愈數日竟卒人以爲孝感所致云贊曰考功與大
司成皆國家要職非得才賢譽望之士以居之誠
不可也然而信道義篤行如公者往往猶難之豈天
下豪傑羣居之地是非好惡所聚非素有驅駕籠罩
之才者終不足以聘耶自公在太學與考功人情固
多不附也及其歿已久相與稱賢考功與賢司成者

必曰公事須以而後定亦理之常然無足怪者獨念
聖上于賢士大夫保全覆護如公者蓋有無窮之
恩焉予素知公恐其久而失之也因取其行事而論
次之

修撰王褒傳

王褒福建閩縣人也字中興博極羣書少有詩名洪武中貢入成均頃之擢舉應天歷瑞州長沙兩郡博士遷永豐尹褒治永豐課農桑興儒學縣無遺事永樂初年朝京師考上最已而薦者以文學表修高廟實錄遂擢褒爲翰林修撰及修永樂大典勅充總裁官褒性剛正居家以孝友聞與人交敬久而不衰人有善汲汲然獎進之閩志列在儒行傳中

獻徵錄

卷之二十一

十一

翰林院修撰張公嗣祖墓表

楊榮

西江有清慎剛介君子曰張君伯頴者累官至翰林修撰以疾卒於永樂癸卯十二月一日距今蓋十有六年矣其子承翰以明經分教應天府庠乃奉學士錢君所爲述事行謁于表諸墓道子昔在翰林素重君爲人乃不辭而次第之曰張氏爲吉水文昌鄉右族累世業儒而多望士曾祖震可號南礪博學工文祖道益號道山元延祐中舉進士考安禮洪武初以經行修明仕河南鄧州學正學者稱爲後山先生君諱嗣祖字伯頴母劉氏君以元至正辛卯十月八日

獻徵錄

卷之二十一

十四

生自幼眉宇秀朗吃出不羣書過目輒成誦嘗爲寇掠去養爲已子久之出牧田間過者怪其異於常兒因就問之而得其里居與所生遂走報其父贖以重貲旣歸教之學閩悟絕人肆力羣經而尤達于書洪武甲子領江西鄉薦明年會試禮部得乙榜授廣東陽山縣學教諭無何以外艱去官服除調蕪湖所至以師道自任開導諸生曲折詳盡以是士多成材出而擢科取仕者相繼永樂初以近臣薦擢翰林五經博士與修高廟實錄書成遷檢討賜白金文綺裝束幾修永樂大典充副總裁復膺楮幣之賚秩滿

陸修撰時 車駕幸北京留署南京翰林院事嘗

應天府鄉試去取公明士論服之晚得腫疾二千自鄉來省疾既少間亟遣歸報其母不數月而劇致僚友之親厚者語之曰吾以一介下士致身禁近死復何恨第上無以報 國恩下不及見吾兒爲憾爾言訖神爽如平時是夕奄然而逝年七十有三君平生孝於親敬於兄信於朋友厚於宗族母嘗臥疾躬侍湯藥不去左右衣不解帶者連旬既歿而毀頓不勝宗族子弟以先世田產質諸人而不能自贖者損貲爲贖而昇之喜賓客過輒相與款洽然不嗜酒常稱

徵錄

卷之十一

五

人大會中孟酌淋漓衆皆譁失次公凝然中處卒不爲所亂爲人長身山立鬚髯奮張見者爲之改容家居雖燕私必嚴以飭當溽暑而食不去巾服僅使畏憚戶內肅然無譁後生輩疎蕩少檢者噍讓不少貸或與坐移時不交一談其莊敬自持者接以溫顏慰藉以好語既去尤稱道之不置居官廉勤臨財錙銖不苟取有官外郡而餽銀器者謂其所得非義峻辭却之出入館閣二十年足未嘗履貴勢之門以希合幸進公退終日清坐玩誦書史雖家用弗給一不

經意爲文嚴正似其爲人所著述有書題讀說中庸析理苦淡齋集無名翁傳通若干卷藏于家

翰林院修撰彭公璉墓志銘 胡廣

永樂七年春 天子巡狩北京文學之臣與扈從者暨廣凡十二人修撰彭汝器其一焉明年九月丙寅以疾卒于五雲坊官舍得年三十有三凡交游者皆哭而惜之廣言于 天子深加悼惜乃勅行在吏部以其族兄孚恂護喪歸葬其友翰林庶吉士李時勉述其行徵廣銘其墓乃序而爲之銘汝器名璉汝器其字姓彭氏世家安成自爲童子時嶷然有成人志一日請於父曰儕兒童讀書徒字誦句讀無益也願擇所從游父以其幼未許固請以行登鄉先生劉澄

徵錄

卷之十一

本

清之門詰難疑義下筆綴文辭藻渙發迥出流輩師甚奇之宗族皆期其顯大家門縣令聞其聰敏選入鄉校永樂元年以易中鄉試明年會試禮部對策大廷俱在高等人翰林爲庶吉士 天子嚮用文學選二十八人讀書秘閣學古文章紹司馬子長班孟堅韓柳歐蘇之迹汝器在二十八人中年最少才最優同輩多推讓之五年陞修撰嘗承顧問數答稱旨下筆爲文發舒所蘊沛然若決江河莫之能禦而曉曉入古人之域聲譽日起汝器不以此自足自視然故人尤以此重之恒積苦于學因得羸疾凡四年或

作或命疾刷書精紙筆堆積于床榻間猶讀書爲文章不廢程度或勸其少休則曰天壽命也豈可一日廢學竟坐是而沒沒時絕無一言及他事但以不得見其親爲恨於乎悲夫汝器性剛果急於爲議論事有氣槩力有可爲者卽奮然直前不顧利害與人交竟豁如也惜其負才器而天不及見其成使天假之年當必大有名於天下後世其止於此亦命也夫

翰林修撰馬君鐸墓志銘

楊士奇

永樂十年進士第一人長樂馬鐸授翰林修撰明年車駕幸北京十五年再幸皆留侍 監國其於公事所當爲者雖勞且艱不避雖數獨任不辭 皇太子屢顧翰林學士楊士奇曰馬鐸可謂質實無僞者也自是翰林學士國子祭酒司業有公務出皆命攝其事蓋署翰林者再署國子者一衆咸謂 皇太子明於用人而鐸無忝厥命者也鐸字彥聲其先家饒州樂平宋宰相廷鸞之弟廷龍始居長樂廷龍之後有兄弟三人曰陰曰傑曰鈞皆舉進士至源夫伯載谷進其曾祖祖父也母卓氏彥聲自幼已異然異常兒稍長卽有志問學初授禮於鄉先生鄭孟宣遂旁通易尚書於子史百家多所博涉爲文援筆輒就自太學生中應天府永樂九年鄉試明年中會試 廷對賜及第爲修撰授承務郎一考陞儒林郎三者皆最仍命復職先是 上自北京遣使以御製書賜南京國子學學師生將詣謝會長官以他事去職踰月彥聲來署學事卽具裝行來謂彥聲後至可不彥聲不可則相率助道里費彥聲曰鐸之爲此煩勞諸君耶一謝却之處事公恕監官有掖前望與爲異同

者彥聲面折之以大義卒帖服春秋釋奠先師制用翰林國子官四員分獻翰林獻位故在左後有易之者及彥聲行事卒辨而復之居家有孝友之行一第篤愛之弟死哀慟甚既葬其鄉縣山之原顧其子斯曰他日葬我必於此吾兄弟生死不違也爲人耿介諒直無崖岸表裏一致臨義執言侃侃無所顧避不爲外飾自奉儉薄雖貴不變與人交必誠必盡遇危急必濟之在京師直所居道側洿池中嘗冬夜有凍溺者聞而遽出之幾斃矣易其衣于飲食及藥物久乃蘇所爲類此皆未嘗自言閒暇讀書鼓琴以自適

獻徵錄

卷之十一

十

八

所居據山林之勝嘗名其書室曰梅巖後遂以爲號永樂二十一年六月初六日以疾卒於官年五十有

翰林修撰承德郎李君騏墓志銘

永樂乙巳某月某日翰林修撰李德良卒于官其以輝奉樞將以某年某月某日葬于其鄉某山之原而以監察御史吳實狀來乞銘予忝同鄉且又同官素與之善誼弗可辭按狀德良其字姓李名騏閭之長樂人其先有仕宋焉提幹者至今鄉人稱提幹李家德良少穎悟甫十歲輒能通孝經論語悉其義既長學益進入補縣庠弟子員斯夕勤勵弗懈肆筆爲文出人意表前輩多讓之歲丁酉鄉薦戊戌試南宮皆居前列三月朔旦殿試士凡二百五十人 上親閱

獻徵錄

卷之二十

十

其文擢爲第一德良初名馬至是 上改其名曰騏越三日傳制唱名凡三唱無敢應者 上曰卽李馬也騏乃受詔賜狀元及第明日賜紗帽銀帶朝服拜翰林修撰中外相傳以爲榮德良爲人嚴毅方正事父母極孝敬奉繼母尤謹與人交和而有節直而能信非禮之言不出諸口人有不善輒面言之無有所隱平居慷慨若無所爲及議所當爲者則勇於爲之不倦親族有孤貧者必收撫之鄉黨有窮困者必賑卹之其與內庭纂修及在翰林考校恭勤廉恪不怠於所事癸卯秋承命典文衡京闈去取進退一循至

公士論歸之甲辰夏忽遵疾逾時乃愈方愈值大
宗皇帝升遐聞之驚悸哀怛卽出哭臨或勸其宜且
慎疾則曰吾受主上厚恩不能他有所裨益今
龍顏天語不可復瞻聽矣如又不獲一哭于几筵以
罄臣子之情將抱恨無極豈暇恤吾身哉未幾疾復
作久而弗差雖未至殆劇然不能復事筆硯矣明年
己巳春正月蒙朝廷恩典頒賜勅命得以推恩賜其
父原善如德良之官贈嫡母葉氏爲安人繼母黃氏
及妻陳氏皆封安人冀病愈欲得所請以歸焚黃不
數月而繼母計至扶疾奔喪抵家幾一月喪其配又
獻徵錄

卷之二十一

十一

越月德良竟以疾卒年四十有八配卽陳氏有賢行
子男一人卽輝嗚呼若德良者可謂賢也已而位未
及大顯年未及中壽夫婦相繼而歿誠可哀也已

翰林院修撰重公傳

重璿字德文陽州高郵人少穎敏勤學永樂十六年
會試第一登李騏榜進士授翰林院修撰有特名尋以
母老乞歸養一日母病思鱸魚時無鬻者卽詣鎮江
禱于神命漁者舉網忽得一鱸以歸鄉里爲異陞修
撰與修實錄後積太常職典禮樂不可畀異流乞以
已爲其官遂獲謫歸卒于家所著有玉堂清餘集

獻徵錄

卷之二十一

十一

翰林院修撰張公洪傳

張洪字宗海常熟人洪武間以事被逮謫戍雲南後以明經被薦授靖江王府教授永樂五年擢行人奉使日本卻其餽金二年復使遼東修茶馬舊政于蕃界亦不受餽時緬甸宣慰那羅塔殺孟養宣慰刁木旦併其地命洪資詔責還所侵地立孟養後塔不服凡六往始聽命塔欲毒之服其誠信乃已還入翰林修永樂大典充副總裁書成陞行人司副洪熙元年陞翰林院修撰致仕卒年八十四所著有四書解義周易會通尚書補傳詩經正義春秋說約禮記總類獻徵錄卷之二十一 三古

翰林院修撰止菴張先生洪墓碑 瞿汝稷

先生諱洪字宗海常熟人敏于侯甫五日而母郁亡父常復客燕不歸靡為顧復張翁嫗丁憐而乳之故從張姓幼穎敏讀書臚傳精義神會靈璫瑩璞乎尹旁達識者已知其非凡矣就計然策逐什一資大起踰冠比鄉事連戍滇黔寧王一見才之過國士都護羅登之賢閣無何夷木邦刁于孟亂逐酋長思倫法 高皇帝詔三司議勦撫便計衆多謂難趣互

攻我可知以先生語都護瞿曰思倫法擁三十六甸之衆嘗闖入寇景我師禦之帥馮成敗績後雖黔寧之威舉部歸順國家即彼故地授宣慰其強未殺今彼之亂是天授我宜計木邦而示威分建以殺其強彼既被逐得復雖分建猶戰賜是恩威並流固內弱外完策也三司因其議議上 上俞行遂捕斬刁于孟以其子與思倫法並授宣慰西南賴耆定既以明經徵授靖江王府教授稱病免永樂元年以行人徵旋使日本復使吐蕃董茶馬既緬甸宣慰那羅塔殺孟養宣慰刁木旦而據其地奉詔責那羅塔歸所侵地止孟養後那羅塔未拜命六往論始知招失蠻夷之人惟力是枯而無藉寸兵徒騰頰輔收既侵之區宇縉既絕之君長比績隨賈伴勲唐馬豈超遂能窺哉竣事編摹大典晉行人司副洪熙元年擢翰林院修撰宣德元年同修 仁廟實錄五年引年致仕比歸杜闌謝將迎日事著述有周易會通尚書補傳詩書正義春秋說約禮記總類四書解義琴川新志日本補遺歷代詩選史記要語等年八十有四卒乃今篇帙湮滅索之好事汲冢摩滅河間絕獻而苗裔寂寥宗姓無考祀同中郎餒甚羊舌寃突之托樵牧來

登嘉靖永郭徵君登賢至祖塋得仆碑窮落不可讀
備有先生姓字知為馬所寄倡謀復封樹絲以修
垣建高厝戊戌太學生徐汝良謂非表以貞石則無
以示永久特營碑石于是徵君子梧乞余文勒焉嗟
乎大暮同歸聖賢莫度秉彝好德今古不渝張先生
宦徽茂于熾烈邑乘列于名臣生宜威于萬里死不
保于一杯谷遷陵變詎可前期芝焚蕙歎何堪旋視
夫歲秦稱虐尚表展封唐德方明首隆僑寔昔人于
鄉桑梓必敬此日追遠儀刑未磨遺文已不可求于
茂陵靈冢可使泯于原北諸君子力為章之均可尚
康徽錄 卷之二十一
矣勒碑示遠其辭曰東則日際西則月竄北及溟海
南窮緬裔溟渤無涯吞吐天地夷徽嶄岬出入瘴癘
獨秉一節奚遠弗詣卉服文身旃裘椎紉豺虎為安
猘猢同鷙三王所外五帝莫制先生有諭脅息聽誓
生控蠻貊窮髮悚企死靡自衛不保遺骸若芥既溼
叢薄蒙翳狐狸潛擲牧豎嬉戲含識有覲瞻不掩涕
爰復垣封刻銘永貺凡我君子幸繹茲說於萬斯年
克襄母替

內翰劉公矩墓表

張元頤

吾自幼則聞北方有醇雅君子曰劉內翰先生先生
門人侯公世傑吾同年也歷憲職江右有年吾因益
得其行履之詳深切嘆仰以為風流波靡中如先生
可少哉先生世家澶淵矩其名字曰中方體貌魁梧
器宇凝重垂髫時怡執禮度不苟過市未嘗一舉目
它顧孜孜問學未嘗少以外物嬰其心鄉黨固已得
以鉅人長者既長從好直張先生受進士業不數載
就試行部侍講曾子啓中允鄒仲熙見其文大嘉之
拔置第二比廷對 太宗文皇帝復於羣策中親擢
康徽錄 卷之二十一
為第二蓋永樂八科中北士之及第者自先生始也
先生官翰林由編修陞修撰前後僅九載引疾家居
踰二十年其德性溫粹如玉生平殊無疾言遽色尤
孝愛天至外艱歸毀瘠終三年禮無少違內艱亦然
方母疾聞即疏乞歸侍時 宣廟實錄成立遷官不
後也在職忠敬其事雖微必謹一時朝野自宰執下
兄者罔不稱曰君子家居嚴於祀先一蔬果必薦擇
進公門人過失口未嘗一談犯者弗校酒愈酣語愈
外無清苦之操而終不渝神非義物漠如也嘗有寄
書于數者死初無憾之言亟致書其子悉歸之